

游鄢家山記

徐世溥

出秦人洞將往蕭嶺曲道委蛇左右花草夾路不知其名採之不忍目賞不給遂乃坐石上攬玩久之望前路煙樹相與淺深若可披尋乃取道往行田徑循迴溪愈曲愈幽從小徑入地方十畝畦有芋畝有禾清池映沙魚不網罟四面高山環合山皆修竹巖多草花巖下有蠨蛸結網小竹間風吹花落皆繫網上不則飛墮池中魚往就食之不可得遂適然而反若有所驚者茅屋十餘居人皆悶悶無所識從之沽贈以棐栗山蔬因上山坐竹下飲之竹葉滿天仰不見日俯見日影風來竹動日影搖碎方圓不定欣慨良久問其山不知名問其氏鄢姓云云

道藏輯要

天下名山記
江西鄢家山徐

三

軫集三